



UNIVERSITÄTS-
BIBLIOTHEK
PADERBORN

Universitätsbibliothek Paderborn

Asiaticae Historiae Societatis Iesv Pars ...

Libris Quatuor Comprehensa: Vbi praeter res gestas à Patribus Societatis Iesv in conversione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

Bartoli, Daniello

Lvgdvni, 1670

72. F. Fernandez Sinens. obitus & virtutes.

urn:nbn:de:hbz:466:1-10757

ros exponerent, quorum post Deum potentia, Christiana res nitebatur. Verum enim vero nostra Pechini apud Regem, & Colai Scin causa, longè alia erat quàm Nanchini, Deo eius vices sic in oppositum mutante, vt redactus in ordinem Colaui ignominiosè aula pelleretur; duo è nostris palam in eam redirent iteratis accitis literis, & domus veteris possessionem repeterent.

Ac tyrannum quidem Colaum Scin sua vnus flagitia euerterunt, nec Regis tutela præpotens qua in gratiam Eunuchorum, supremos ab eo Mandarinos defenderat, aliud protulit, nisi vt maiori cum infamia caderet. Ad centum (aiebat Doct̃or Paulus) in eum libelli tam atroces ab iis in regiam penetrarunt, vt in cunctas latè Prouincias (qui aula vsus est) per veredarios transmissi, immanissimæ belluæ vulgarent detestabilia scelera, eumque publicis odiis, & execrationi exponerent post quæ Rex eius abrogationem, nec vltro disferre valuit, nec ipse regressum ad priuatos lares; priuatúsque Hancei sua in patria iacuit. Et hic demum alter ex residuis Colais, summa denuo potitus regendi potestate, Longobardum vrgere ad maturandum in aulam reditum, cuius illi auctor sapius fuerat, de quo erit anno proximo videndum. Hoc autem æui vigesimo altero, sub medium Iulij fortunatè in Sinas subierant è nostris quatuor; Manuel Diaz senior, stationes nostrorum ex officio inspecturus; alij operam ministeriis solitis daturi, Ioannes Adamus Scial. Rodericus Figueredus, & domesticus adiutor Melchior Riberus, quorum aduentu inopino vt iucundissimè affecti sunt fideles, ita non multo post F. Sebastiani Fernandez obitu grauiter doluere. Erat is ortu & nomine Sinensis, cognomento & Lusitania adscito; itinerum Riccio fidus comes; laborum socius & Apostolici muneris quod pro suo gradu constanter impleuit, in arduo illo & palmati negotio fundandæ inter Sinas Christianitatis, in quo haud scio plus sudoris, an sanguinis fuderit. Ad hoc illum Deus ingenti animo, bonitate ingenij, vitæque à puero innocentissima donarat, & alienæ salutis appetentissima, cuius studio ardens, interpretem Riccio & seruum se dedit, quamuis alioqui honesto loco natus; vt pia illa, & humili annorum aliquot opera promeretur aditum in societatem, quem superioris seculi anno primo & nonagesimo Ianuarii Calendis obtinuit. Non retexo arumnas inter quas fortiter in gradu virtutis generosæ semper immobilis durauit; non contumelias, vincula, & plagas Hancei, Licini, & vtraque in vrbe Regia; demùm seruile extra murum maiorem exilium, & prope Tartatis in prædam, & quo tamen assertus pretio, euasit, sed à cruciatu pedum & manuum nequaquam, nec ab illa flagrorum cruenta, repetitæque sæpè laceratione quam sibi fore lethalem dum putat, mortemque operitur, dedit è carcere literas ad amicos, quæ vbiicumque perlectæ sunt multo igne cœlesti animos inflammant, nec ambiguo deinceps inditio conficiendum reliquerunt, si Sinenses educuntur, Apo-

71.
Tyrannum
Scin sui fla-
gitia euer-
tunt.

72.
F. Fernandez
Sinens. obi-
tus & virtu-
tes.

stolicæ virtutis nihilo segnius, quàm Europæos, apicem prensare ac
prehendere, illa enim ferendis pro Christo supplitus magnitudo ani-
mi gestiens, abundè loquebatur, eius epistolas non sola verborum
speciosa magnificentia tumere. Catechistam agebat perpetuo, & Pa-
trum quas poterat obibat vices, dum cogerentur latitare, & peregri-
nam patriam si foras prodissent, sola oris diuersi specie ferari. Senio
iam grauis, dabat operam docendis feminis, & baptismo lustrandis,
quam virtutis eius secuta fiducia Sinenses habebant gratissimam, tim-
et si hac in re suspicacissimi. Contemptor ad hæc sui, & proculcator
eximius Fernandez nihil respuit quantumuis famulare & abiectum; ad
laboriosa, & molestiis ardua vltro suum ministerium detulit; Macaum
sæpius simulato habitu adiuit, ad referrendum nostris, victus annui
commeatum, neque id sine capitali, etiam vitæ discrimine, & seme-
stribus interdum in ritu, & reditu ærumnis, in quibus solus, nec arbi-
trum metuens, coniunctissimus Deo semper fuit, quo iubente, & co-
mite, illa conficiebat itinera, velut (quod ipse dicebat) loca sancta
lustraret peregrinus. Annis fractus, ex quibus duos & triginta in so-
cietate duris habuit rebus ærumnosos, nullum tamen iis quæsiuit de-
uamentum; paupertati vestium & victus nihil addi poterat, multum
pœnis ipsius spontaneis detrahi; quod vnum ferè erga illum, Rectores
ipsius habebat sollicitos. Nobis tandem fidelem Dei, & Euangelij Mi-
nistrum annus abstulit ætatis supra sexagesimum quintus, neque liris
constat, nec admodum interest, Nanchini vel Hancei.

Claudat annum hunc 1622. hunc tentata in cassum à Batauis Ma-
caum, (posita quidem extra Sinas, ad eos tamen vtrumque attinens)
& generosa nostrorum opera in eius propugnatione. Mensis Iunii octa-
uo decimo cœpere tredecim Batauorum naues circa Macaum volitæ;
aliæ quatuor è regione arcis aliquantò prius in anchoris steterant, ex-
pectabantur ex molacis præterea sex, instructæ valido armatæ, sed ex-
rum pertæsi longas moras, & de aduentu iam dubij, pugnam decer-
nunt in diem præuium festo S. Ioannis præcurforis. Marti, vt olim
descripsimus, tria Macai cinguntur latera, & propugnaculis totidem,
munitione tormentorum copiosa egregiè tutis: quod sensit illicò graui
sua cum elade hostis hæreticus. Nam aggressus toto ingentium na-
uium, æneo fulmine, propugnaculum quatere quod debilius videbe-
tur, tulit inde tam clarum & decretorium responsum vt eo nauium
altera aperto latere, totum hautiret mare, & aquarum depressa pon-
dere sorberetur. Proniorem ergo putauit expugnationem, qua latius
insulam respicit; nongentos in terram, vrbe procul exponit catapultas
cum tormentis duobus, graditurque ad impressionem, seu magis
ad arcem capiendam quod certo statim futurum crediderat cum nauis
exscendisset; transuerso enim præsidio, viam sibi ad urbem parans, non
plus vno distans milliari, præsidarij sibi consulere, seque intra mu-
ros statione deserta recipere, quod arte factum non potuit melius quàm
metu.

73.
Bataui frust.
Macaam im-
pugnator.